

"Ақмола облысы азаматтарының жекелеген санаттарына амбулаториялық емдеу кезінде тегін медициналық көмектің кепілдік берілген көлемін, оның ішінде дәрілік заттарды, арнайы емдік өнімдерді, медициналық бұйымдарды қосымша беру туралы" Ақмола облыстық мәслихатының 2020 жылғы 7 қазандағы № 6С-50-7 шешіміне өзгеріс енгізу туралы

Күшін жойған

Ақмола облыстық мәслихатының 2022 жылғы 27 шілдедегі № 7С-19-4 шешімі. Қазақстан Республикасының Әділет министрлігінде 2022 жылғы 1 тамызда № 28964 болып тіркелді. Күші жойылды - Ақмола облыстық мәслихатының 2024 жылғы 27 маусымдағы № 8С-11-9 шешімімен

Ескерту. Күші жойылды - Ақмола облыстық мәслихатының 27.06.2024 № 8С-11-9 (оның алғашқы ресми жарияланған күнінен бастап қолданысқа енгізіледі) шешімімен.

Ақмола облыстық мәслихаты ШЕШТІ:

1. Ақмола облыстық мәслихатының "Ақмола облысы азаматтарының жекелеген санаттарына амбулаториялық емдеу кезінде тегін медициналық көмектің кепілдік берілген көлемін, оның ішінде дәрілік заттарды, арнайы емдік өнімдерді, медициналық бұйымдарды қосымша беру туралы" 2020 жылғы 7 қазандағы № 6С-50-7 шешіміне (Нормативтік құқықтық актілерді мемлекеттік тіркеу тізілімінде № 8073 болып тіркелген) келесі өзгеріс енгізілсін:

жоғарыда көрсетілген шешімнің 1-қосымшасы осы шешімнің қосымшасына сәйкес жаңа редакцияда жазылсын.

2. Осы шешім алғашқы ресми жарияланған күнінен кейін күнтізбелік он күн өткен соң қолданысқа енгізіледі.

*Ақмола облыстық
мәслихатының хатшысы*

Т.Жунусов

Ақмола облыстық мәслихатының
2022 жылғы 27 шілдедегі
№ 7С-19-4 Шешіміне
қосымша

Ақмола облыстық мәслихатының
2020 жылғы 7 қазандағы
№ 6С-50-7 шешіміне
1-қосымшасы

Ақмола облысы азаматтарының жекелеген санаттарына амбулаториялық емдеу кезінде тегін медициналық көмектің кепілдік берілген көлемі, оның ішінде дәрілік заттар, арнайы емдік өнімдер, медициналық бұйымдар

№	Сырқаттың атауы	Халықтың санаты	Дәрілік заттарды тағайындау үшін көрсетілімдер (дәрежесі, сатысы, ағын ауыртпалығы)	Дәрілік заттардың, арнайы емдік өнімдердің, медициналық бұйымдардың атауы (шығарылу нысаны)
1	2	3	4	5
1.	Ювенильдік идиопатиялық артрит	Диспансерлік есепте тұрған 18 жасқа дейінгі балалар	Белсенді фазада дәстүрлі терапияға толық жауап бермейтін	Адалимумаб, инъекцияға арналған ерітінді Тоцилизумаб, инфузиялық ерітіндіні жасауға арналған қоспа
2.	Көпіршікті эпидермолиз	Диспансерлік есепте тұрған азаматтардың барлық санаттары	Ауыртпалықтың барлық сатылары мен дәрежелері	Таңу материалдары, медициналық бұйымдар Декспантенол, сыртқа қолдануға арналған крем, сыртқа қолдануға арналған жақпамай Арнайы емдік өнімдер
3.	Өкпелік гипертензия	Диспансерлік есепте тұрған азаматтардың барлық санаттары	Ауыртпалықтың барлық сатылары мен дәрежелері	Риоцигуат, таблетка Селексипаг, таблетка
4.	Цитомегаловирусты инфекция	Диспансерлік есепте тұрған азаматтардың барлық санаттары	Алдын алу және емдеу, оның ішінде ағзалар мен тіндерді ауыстырып салғаннан кейін	Ганцикловир, таблетка, инъекцияға арналған ерітінді Валганцикловир, таблетка Цитомегаловирусқа қарсы иммуноглобулин, вена ішіне енгізуге арналған ерітінді
5	Бехчет ауруы, CAPS синдромы	Диспансерлік есепте тұрған азаматтардың барлық санаттары	Дәстүрлі терапияға қарсы көрсетілімдер болған жағдайда	Канакинумаб, тері астына енгізуге арналған ерітінді Күзгі тұқым қолхикумының сығындысы (

				Колхицин), таблетка
6	Эпилепсия	Диспансерлік есепте тұрған 18 жасқа дейінгі балалар	Ауыртпалықтың барлық сатылары мен дәрежелері	Вигабатрин, таблетка Осполот, таблетка Клобазам, таблетка
7.	Бауыр циррозының сатысын қоса алғанда, созылмалы С вирустық гепатиті	Диспансерлік есепте тұрған 18 жасқа дейінгі балалар	Дәстүрлі терапияға қарсы көрсетілімдер болған жағдайда	2b - пегинтерферон альфа, еріткішімен бір жиынтықтағы тері астына енгізу үшін ерітінді дайындауға арналған лиофилизат
8.	Целиакия	Диспансерлік есепте тұрған 18 жасқа дейінгі балалар	Белсенді фазада гистологиялық немесе генетикалық расталған тіндік трансаминазаға антиденелер бар	Арнайы емдік өнімдер (глютенсіз өнімдер)
9	Орфандық (сирек кездесетін) сырқаттар	Диспансерлік есепте тұрған азаматтардың барлық санаттары	Дәрігердің тағайындауы бойынша	G иммуноглобулинi (адами қалыпты), инфузия үшін ерітінді
10	Шашыранды склероз	Диспансерлік есепте тұрған ересек науқастар	Дәстүрлі терапияға қарсы көрсетілімдер болған немесе тиімділік болмаған жағдайда Жоғары белсенді шашыранды склерозда	Диметилфумарат, капсула Кладрибин, таблетка
11	Нейробластома	Диспансерлік есепте тұрған 18 жасқа дейінгі балалар	Мультидисциплинарлық консилиумнің шешімі бойынша	Инфузияға арналған ерітіндіні дайындау үшін концентрат, Динутуксимаб бета, инъекцияға арналған ерітінді